

Ataatsimiinneq videokonference atorlugu ingerlanneqarpoq aallartillunilu nal. 09:00

Peqataasut:

Atassut

Inuit Ataqaatigiit

Partii Naleraq

Siumut

Nalunaaruteqarlutik peqataannngitsut:

Nalunaaruteqaratik peqataannngitsut



Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Kommunalbestyrelsinut, nunaqarfinni aqutsisunut ilagillu sinniisaannut qinersarnerit pillugit Inatsisartut inatsisaata allanngortinneqarnissaa pillugu tusarniaaneq

Imm. 03 Tamalaat

Imm. 01 Oqaluuserisassat akuersissutigineri

Aalajangiineq



Imm. 02 Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaata allangortinneqarnissaa pillugu tusarniaaneq

Journal nr. 11.03

Tunuliaqutaq

Namminersorlutik Oqartussat ulloq 27. Maj 2016-imi Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaannut allangortinnissa pillugu tusarniaapput, 1. juli 2016 akineqareertussamik.

Namminersorlutik Oqartussat tusariaanermanni allapput Nunap immikkoortuani qinersisarneq pillugu inatsimmi aalajangersakkap allangortinniarlugu, taamaalilluni siullermik Ivittuut Kommunerisimasaani nunap immikkoortuani aallartitamik qinersisarunnaarnissaq inatsisissatut siunnersuummi siunertarineqarpoq, Ivittuut Kommuniani nunap immikkoortuani aallartitamik qinersisarneq siullermik kommuniusimasumi maannakkut najugaqartut amerlassusaat eqqarsaatigalugu tamat oqartussaaqataanerannut naapertuutinngimmat.

Aammalu Inatsisip pisariaqartumik allangortinneranut atatillugu inatsimmi kiisalu inatsimmut nasuiaatini pitsanngorsaanissamat oqaatsitsigut erseqqissaassutinik aamma pissutissaqalersitsimasoq.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisissaat nr. 7, 3. december 2012-imeersoq.

Pissutsit atuuttut

Qinersisarneq pillugu inatsit kingullermik 2012-imi allangortinneqarpoq.
Allangortinneqarnissaanut allannguutissat tulliuttut maluginiaqquneqarput:

Qinigassanngortittut allattorsimaffiat nuna tamakkerlugu tusagassiutitigut saqqummiunneqartarnerat, kommunip nittartagaatigut saqqummiunneqartalernissaat pillugu **§ 12-imi**, imm. 1-iatigut aamma **§ 19-imi**, imm. 3-atigut allangortinneqarpoq.

Nuna tamakkerlugu tusagassiutitigut saqqummiussisarneq kommunimut aningaasartuutaasarmat, taamatut allannguiniarneq allaffeqarfiup naammagisimaarpaa. Qinigassanngortittut allattorsimaffiat kommunip nittartagaatigut saqqummiunneqartalernissaa, qinersisartunut nuna tamakkerlugu aviisinik piseqqaaratik, kommunerisami nittartagaatigut takunneriaannanngornissaat pissusissamisoorneruvoq.

Qinigassanngortittut nalunaarutigineqartarneri sapaatip akunneri sisamaagaluartut, **§ 15**, imm. 1-atigut aamma **§ 16**, imm. 1-iagut, sapaatip akunnerinut arfinilinnut allangortinneqarpoq.

Allakkatigut qinersisitsisarnerup pilersaarusiorneqarnissaani piffissaqarluarnerulernissap saniatigut, allaffissornikkut kinguneqaateqartussaannngimmat allaffeqarfik oqaaseqaatissaqanngilaq.

§ 16, imm. 3 pinerluttulerinermut nalunaarsuiffimmut paasissutissanik piniartarnermi qinersinermik siulersuisut aallersinnaajunnaarlutik, Qinigaasinnaaneq pillugu Ataatsimiititaliaq kisimi pinerluttulerinermut nalunaarsuiffimmut paasissutissanik piniarsinnaalerpoq.

Qinigassanngortittoq qinigaasinnaanersoq pillugu Qinigaasinnaaneq pillugu Ataatsimiititaliaq kisimi aalajangiisarmat, allaffeqarfik oqaaseqaatissaqanngilaq.

§ 18, imm. 1 qinigassanngortittup qinigassanngortitsinermik nalunaarummik tunuartitsinissaq sapaatip akunnerinik sisamanik sivisussuseqartoq, sapaatip akunnerinut arfinilinnut sivitsorneqarpoq.

Allaffeqarfik oqaaseqaatissaqanngilaq.

§ 26, imm. 4 Qinersinermut Ataatsimiititaliap qinersinermut aalajangiinera pillugu ilagiit sinniisaasa nalunaarfigineqartarnissaani, Biskoppip aamma nalunaarfigineqartalernissaa allannguutaavoq.

Allannguutissamut allaffeqarfik oqaaseqaatissaqanngilaq.

§ 30, imm. 7 Pappiaqqap taasivissap immersorneqarnissaanut ikiorserneqarnissaq pillugu, taasisitsinermi pisortap saniatigut ”qinersisartoq aalajangeeqataasinnaanani peqataasoq” taasinermi ikiorsiunneqarsinnaanera ilanngunneqarpoq.

Taasisitsinermi pisortaq qinersisartumik ikiuitillugu, ikiorteqartitsisarneq atuutereermat, allaffeqarfik oqaaseqaatissaqanngilaq.

§ 45, imm. 5 nutaaguvoq” Aallaqqaataanit Ivittuut Kommuniusimasumi, tak. imm 4, sumiiffimmi sinniisumik qinnersisoqassanngilaq.”

Allaffeqarfik oqaaseqaatissaqanngilaq.

§ 83, imm. 4 nutaajuvoq ”Akiliisutaassutit Nunap Karsianut tunniunneqassapput.”

Allaffeqarfik oqaaseqaatissaqanngilaq.

Allannguutissatut siunnersuutip saniatigut allaffeqarfiup nalilerpaa, § 65, imm. 1 imatut allannguuteqassasoq: “Qinigassanngortitanik nalunaarutit nunaqarfimmi taaguinermik siulersuisumut tunniunneqareersimassapput kingusinnerpaamik qinersinissaq ullunik 14-nik sioqqullugu nal. 12.00”.

§ 60-imi imm. 3 naapertorlugu, nunaqarfinni aqutsisunik qinersinissaq, qinersinermut siulersuisut aalajangissavaat. Nalinginnaasumik kommunalbestyrelsimut qinersineq ilutigalugu nunaqarfinni aqutsisunut qinersisoqartarpoq.

Kommunalbestyrelsimut qinersinissaq aprilip qaammataani marlunngornermut siullermut inissinneqarmat, nunaqarfinnilu aqutsisunut qinigassanngortitanik nalunaarutit qinersinissaq ullunik qulinik sioqqullugu tunniunneqartartussaammata, qinigassanngortitanik nalunaarutit tunniussivissap killissarititaa, allaffeqarfiup matoqqanerani arfininngorneruvoq. Taamaattumik siunnersuutigineqartariaqarpoq, § 65 imm. 1 ima allanngortinneqassasoq, qinersinissaq sioqqullugu ullunik 14-inik sioqqullugu, taamaalilluni qinigassanngortitanik nalunaarutit ullormi suliffiusumi tunniunneqarsinnaaniassammata.

Aningaasaqarnikkut allaffissornikkullu kingunerisinnaasai

Qinigassanngortittut allattorsimaffiat nuna tamakkerlugu tusagassiutitigut saqqummiunneqartarnerat, kommunit nittartagaasigut saqqummiunneqartalernerisigut



sipaarutissaqalerpoq. Tamatuma saniatigut nunaqarfinni aqutsisunut qinigassanngortitanik nalunaarutit arfininngornermi tunniunneqassaarlutik, allaffeqarfiup ammanerani tunniunneqartalerpata, allaffeqarfimmi sulisut qaangiuttoortarnerinut sipaaruteqartalissaagut.

Allaffeqarfiup naliliinera

Allannguutissat, allannguutissatullu kommunip siunnersuutai akuerisassanngorlugit innersuussutigineqartut, Pissutsit atuuttut ataani nassuiaatigineqarput.

Innersuussut

Aningaasaqarnermut ataatsimiititaliamit aamma kommunalbestyrelsimit akuereqqullugu allaffeqarfiup innersuussutigaa:

1. Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisissaata iluarsaanneqarnissaanut allannguutit.
2. Qeqqata Kommunια siunnersuutigissagaa § 65, imm. 1 imatut allannguuteqassasoq: “Qinigassanngortitanik nalunaarutit nunaqarfimmi taaguinermik siulersuisumut tunniunneqareersimassapput kingusinnerpaamik qinersinissaq ullunik 14-nik sioqqullugu nal. 12.00.”

Aalajangiineq

Ilanngussat

1. Naalackersuisut Siulittaasuata Naalackersuisoqarfianik tusarniaanermut allagaq ulloq 27. maj 2016-imeersoq
2. Siunnersuut: Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. x, x 2016-imeersoq
3. Inatsisissatut siunnersuummut nassuiaatit.

Imm. 03 Tamalaat

